



## Poslovi Dodika su pod lupom O'Briena

Posao Jamesa O'Briena bit će da vodi računa o provođenju američkih sankcija

Piše: **EDIN BARIMAC**

Ured za koordinaciju sankcija State Departmenta dobio je šefa. To je James O'Brien čiji će posao na novopostavljenoj poziciji biti da vodi računa o provođenju sankcija koje SAD izriču. O'Brien će se, zasigurno, baviti i Zapadnim Balkanom, gdje je već nekoliko pojedinaca dobilo američke sankcije posljednjih mjeseci, među njima i član Predsjedništva Bosne i Hercegovine Milorad Dodik zbog korupcijskih aktivnosti te prijetnje stabilnosti BiH. Mediji su objavili i nepotvrđeni spisak od 65 firmi koje se dovode u vezu sa Dodikom, a koje su na spisku Ministarstva finansija SAD-a.

Među njima je i robna kuća Boska za koju se moglo pročitati da je njen većinski kapital (58,52 posto) u rukama dva uvezana privredna društva - Zekstra d.o.o. Banja Luka i Kaboos PRO Beograd. Oba su u vlasničkim i poslovnim vezama s čuvenim šampionom javnih nabavki u RS-u - IT kompanijom Prointer ITSS, koja se dovodi u vezu s Igorom Dodikom, sinom lidera SNSD-a. Tu vezu je svojevremeno potvrdio i sam Dodik. Na jednom spratu Boske smješten je i Agape, restoran Dodikove kćerke Gorice Dodik. Ovaj restoran, kao i onaj na Bulevaru srpske vojske nalaze se na spisku 65 firmi. / STR. 2. I 3.



Američki ambasador na Kazanima: Mušan Topalović Caco je naredio ubistva

# Spomen-obilježje nije završeno

Michael Murphy, ambasador SAD-a u BiH, posjetio je Kazane i odao počast ubijenim Sarajlijama

Piše: **VILDANA SELIMBEGOVIĆ**

Američki ambasador u našoj zemlji posjetio je Kazane i na spomen-obilježju položio cvijeće odajući počast građanima Sarajeva koji su ubijeni tokom 1992. i 1993. godine.

- Rat u BiH bio je užasna tragedija. Zato je dužnost današnjih čelnika poticati pomirenje, pozivati počinitelje zločina na odgovornost, te odati priznanje i počast žrtvama, napisao je Murphy na Twitteru i poru-

čio da "pomirenje zahtijeva priznavanje svih teških istina prošlosti".

- Spomen-obilježje Kazani je nepotpuno bez imena svih žrtava i jasno, otvorenog priznanja počinitelja zločina, objasnio je Murphy. / STR. 5.

## Licenca istekla zbog nemara nadležnih


Iako su pacijenti UKC-a zbrinuti, iz Tuzle su morali ići u Sarajevo, Mostar ili Zenicu

Piše: **MIREN ALJIĆ**

Softverska licenca za aparat za radioterapiju na Univerzitetsko-kliničkom centru u Tuzli istekla je, prema riječima direktora Alena Kamerića, još 2019. godine. Aparat je izvan funkcije od kraja marta ove godine, zbog čega je šezdesetak pacijenata bilo primorano iz Tuzle putovati u Mostar, Zenicu ili Sarajevo kako bi im se napravio plan radiološkog tretmana, nakon čega su mogli nastaviti liječenje na tuzlanskom UKC-u.

Od 2019. godine UKC je promijenio dva direktora i dvije kantonalne vlade. Niko od odgovornih u lancu nije smatrao nužnim obnoviti licencu, što bi UKC ili kantonalnu vlast koštalo oko 500 hiljada KM. Aktuelni direktor Alen Kamerić je, kako je kazao, u avgustu prošle godine vladu SDP-PDA koja ga je imenovala upozorio na ovaj problem, ali nije dobio nikakav odgovor.

Od početka ovog izbornog ciklusa kroz UKC su prošla tri generalna direktora, desetak njihovih pomoćnika i najmanje isto toliko načelnika odjeljenja. Svjetski dan zdravlja ljekari na ključnim pozicijama radije su obilježili kao marionete svojih političkih vladara, nego vjerni sljedbenici postulata iz Hipokratove zakletve. / STR. 4. I 5.



Velečasni Brown ponovo u središtu rustičnih misterija

Nastavci devete sezone serije "Velečasni Brown" bit će emitirani svaki radni dan u 15.55 sati na Prvom programu HTV-a

Jedan mali grad u srcu Evrope vratio je teatarski sjaj  
Beggars' Group singlovi u TV seriji "Peaky Blinders"  
Iz naprane kuhinje: Jela koja mirišu na ljepi ramazan

## antena

Fikcionalni lik izmišljene autorice oživljava u lepršavoj seriji

STR. 24.

Tehnologija i znanje

STR. 25.

Dramska TV priča o zamršenim porodičnim odnosima

STR. 40.

Akciona subota: "Kin"

STR. 41.

## BiH bolja od Azerbejdžana

Naše nogometašice stigle su do pobjede u kvalifikacijama za Svjetsko prvenstvo

Piše: **ZLATKO ŠARIĆ**

Ženska nogometna reprezentacija Bosne i Hercegovine ostvarila je izuzetno važnu pobjedu u meču 7. kola grupe E kvalifikacija za Svjetsko prvenstvo. Na stadionu Grbavica naše nogometašice došle su do trijumfa bukvalno u posljednjim trenucima utakmice. Junakinja je bila Milena Nikolić, koja je u četvrtoj minuti sudijske nadoknade postigla pogodak za 1:0 i velika tri boda.

Nakon što je Rusija izbačena iz kvalifikacija, otvorila se šansa da se kroz drugo mjesto u grupi, iza neprikosnovene

Danske koja ima maksimalnih 18 bodova, izbori plasman na smotru najboljih reprezentacija svijeta. BiH je trenutno na trećem mjestu sa sedam osvojenih bodova, dva manje od Crne Gore koja ima i utakmicu manje.

Do kraja će izabranice Samire Hurem igrati još dvije utakmice, obje u gostima, protiv Crne Gore 12. aprila i protiv Azerbejdžana 6. septembra. Potrebne su nam obje pobjede, uz očekivani poraz Crne Gore od Danske. / STR. 63.



# Pomirenje zahtijeva priznanje istine

Mušan Topalović Caco, zapovjednik Desete brdske brigade Armije RBiH, naredio je ubistva na Kazanima, podsjeća gradske vlasti američki ambasador u našoj zemlji

Američki ambasador u Bosni i Hercegovini Michael Murphy posjetio je Kazane i odao počast građanima Sarajeva koji su ubijeni tokom 1992. i 1993. godine.

## Teške istine

- Rat u BiH 1992-1995. bio je užasna tragedija. Zato je dužnost današnjih čelnika poticati pomirenje, pozivati počinitelje zločina na odgovornost, te odati priznanje i počast žrtvama. Nedavno sam odao počast žrtvama na Kazanima, napisao je Murphy na Twitteru uz fotografiju.

Čestitao je čelnicima Sarajeva što su podigli spomen-obilježje žrtvama te poručio da "pomirenje zahtijeva priznavanje svih teških istina prošlosti".

- Spomen-obilježje Kazani je nepotpuno bez imena svih žrtava i jasnog, otvorenog priznanja počinitelja zločina. Mušan Topalović Caco, zapovjednik Desete brdske brigade Armije RBiH, naredio je ubistva na Kazanima. Radujem se danu kada će spomen-obilježje na Kazanima sadržavati i ovu činjenicu, zaključio je ambasador Murphy.

Spomen-obilježje na Kazanima otkriveno je 15. novembra prošle godine, a nakon što je Gradsko vijeće Sarajeva usvojilo 27. oktobra Odluku o podizanju spomen-obilježja Kazani. Prije toga bio je raspisan konkurs za idejno rješenje koji je poništen, nakon čega je gradonačelnica Benjamina Karić kazala kako će sama kreirati tekst na spomen-obilježju i kompletno vizuelno rješenje.

## Izbor datuma

U dijelu javnosti otvoreno je pitanje zašto na spomen-obilježju nema ime-

na počinitelja zločina, te u više navrata skrenuta pažnja zbog nepotpunog spiska sa imenima ubijenih. Najglasniji su bili nevladina udruga UDIK i naš list, podsjećajući da identifikacija ubijenih i potom bačenih civila u jamu Kazani, na obroncima Trebevića, nikada nije okončana. Kao i na činjenicu da su pripadnici Armije Republike Bosne i Hercegovine, pod komandom Mušana Topalovića Cace, koji su učestvovali u ovim zločinima i pravosudno osuđeni.

Gradske vlasti su također iskazale enorman angažman da 26. oktobar ne bude dan obilježavanja zločina na Kazanima, što su godinama prakticirale porodice žrtava. Toga dana, naime, 1993. godine, država BiH se obračunala sa kriminalom u svojim redovima i iste je noći ubijen i Topalović. Iako je gradonačelnica Karić neformalno najavljivala kako će obilježavanje i Kazana ući u program za Dan grada, Gradsko vijeće je dobilo prijedlog i prihvatilo da Kazane obilježava 9. novembra.

VILDANA SELIMBEGOVIĆ

# avili pacijente

da će vjerovatno ipak biti potrebno nabaviti novi aparat. Da li će to biti od sredstava ove konsolidacije zdravstvenih ustanova, za koju još ne znamo kako će se odvijati ili će se morati ići u kredit, još nije poznato, kazala je ministrica Čolić.

tražio nabavku novog aparata, ali da nikada nije dobio odgovor.

- Problem linearnog akceleratora poznat je tri do četiri godine, te postavljamo pitanje zašto ministrica zdravlja TK-a, koja je 2019. godine obnašala istu funkciju, nije reagovala i poduzela adekvatne mjere za rješavanje problema, kazao je direktor UKC-a.

## Kadroviranja

Ministrica Čolić nije htjela komentarisati ovu izjavu, nego je samo poručila da su i ona i direktor prolazni kadrovi, te da treba raditi u interesu pacijenata.

Podsjećamo, UKC je jedan od najznačajnijih političkih pljenova za svaku vlast, te je u ovom mandatu vlasti promijenio čak tri direktora, desetak pomoćnika direktora i načelnika klinika, sve u skladu sa vladajućom strukturom. Nije ni čudo da je u stalnoj smjeni kadrova, kako u Vladi TK-a, tako i u UKC-u, aparat koji mnogima znači sve ostao potpuno zanemaren.

Popravka starog aparata, smatra direktor UKC-a, znači da će se isti problem ponovo javiti za godinu ili dvije

Direktor Kamerić je kazao i to da je licenca za postojeći aparat istekla još 2019. godine, prije nego što je on postavljen za direktora UKC-a od Vlade SDP-a i PDA. Dodao je i to da je od Vlade SDP-PDA, koja ga je imenovala, prošle godine u avgustu

Spomen-obilježje Kazani je nepotpuno bez imena svih žrtava i jasnog, otvorenog priznanja počinitelja zločina, kaže ambasador Murphy



Američki ambasador u Bosni i Hercegovini Michael Murphy odao je počast žrtvama na Kazanima

## HDZ predlaže pripadnost narodu u ličnoj karti

Podaci bi se upisivali u matičnu knjigu rođenih, u matičnu knjigu državljana BiH ili na ličnu kartu, po želji pojedinca

Šef Kluba HDZ-a BiH u Predstavničkom domu PSBiH Nikola Lovrinović uputio je u proceduru Prijedlog zakona o upisu u lična dokumenta pripadnosti konstitutivnom narodu, nacionalnoj manjini i ostalima. Pošto je u zahtjevu naveden hitni postupak.

Zakonom bi se svaki punoljetni građanin BiH, a za maloljetna lica to bi radili roditelji, izjasnio u ovlaštenoj matičnoj kancelariji da li se izjašnjava kao pripadnik jednog od konstitutivnih naroda - Srbin, Hrvat ili Bošnjak, neke nacionalne manjine ili kao Ostali.

- Primjetno je da se institut pripadnosti naroda ili nacionalnoj manjini zloupotrebljava i vrlo često stvara probleme. Ovim



zakonom bi to pitanje bilo regulisano i otklonila bi se mogućnost zloupotrebe, smatra Lovrinović.

Oštro su reagovali šef Kluba DF-a u Predstavničkom domu Dženan Đonlagić, poručivši da ne uspijeva legalizacija aparthejda putem izmjena Ustava BiH i Izbornog zakona, pa se sada to pokušava realizovati kroz ovaj prijedlog, te poslanik NS-a Predrag Kojačić riječima da je to isto kao i bijela traka oko ruke u ratu.

Prijedlog HDZ-a su odbili i iz SDP-a i SBB-a.

## USAID pokreće dva nova projekta podrške medijima

Nezavisni mediji su stub slobodne i otvorene demokratije, istakla je Courtney Chubb, direktorica misije USAID/BIH

Završna konferencija Programa osnaživanja nezavisnih medija (IMEP) Američke agencije za međunarodni razvoj (USAID) održana je jučer u Sarajevu. Medijima je dodijeljeno više od 170 grantova, podržano gotovo 100 građana novinara i ojačana veza između odabranih medijskih kuća i NVO. Uz finansijsku podršku IMEP-a nastalo je preko 3.500 medijskih objava, od čega se više od polovine odnosilo na političke teme i korupciju.

"IMEP je ostvario veliki uspjeh, stoga se nadamo da će naši novi programi podrške medijima biti nastavak te uspješne priče", poručila je Chubb.

Završetak IMEP-a podudara se s



pokretanjem novog USAID-ovog projekta za jačanje medija u BiH. Radi se o petogodišnjem projektu vrijednom 10 miliona dolara koji će provoditi FHI 360 u saradnji s Internewsom i Udruženjem BH novinari kako bi grupi medija u BiH ponudili neophodne alate, obuku i pristup malim grantovima. USAID pokreće i novi regionalni projekt pomoći medijima na Balkanu, koji će raditi na poboljšanju konkurentnosti medijskih radnika i ojačati održivost nezavisnih medija u cijeloj regiji.